



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Iacobi solimæi medici salernitani. Musas inuocat ad exequias.

urn:nbn:de:hbz:466:1-13534

8 T V M V L O R V M
Mox utero matris cæso diuellor, & infans.
Rursum obeo. infelix nomine q̄ carco.

HARMOSYNE S puellæ Neapolitanæ.

Harmosyne iacet hic. fractos quos aspicis arcus,
Et sparsos crines, atq; sine igne faces,
Arcus fregit amor. Charites sparsere capillos.
Extinxitq; suas ipsa Erycina faces.
Quæ tumulo increuit Laurus, myrtiq; rosæq;
Pieridum è lacrimis noueris esse satus,
Harmosyne extincta est, sensusq; extinctus amandū.
Nemo amat, & numen desijt esse venus.
Infelix quid agas uates? i, desere coetum,
Et pete inhumanis lustra habitata feris.
Frange lyram, contemne deos, lucemq; perosus
Noctem ama, & à somnis gaudia posce nigris.

I A C O B I Solimæi medici Salernitani.
Musas inuocat ad exequias.

Quæ liquidos Silari fontes, quæq; arua Salerni
Irrigua, & doctis tecta habitata uiris,
Quæ Lauros nymphæ Aonides, Peneida syluam,
Amphrysi & colitis nota in amore uada,
Ne Musæ, ne Pierides, dum condimus umbram,
Pæonio abnuite carmina uestra seni.
Non succi tibi defuerant Solimæe, nec herbæ,
Quæq; docent Coi scripta probata uiri.
Et tamen ut de plebe aliquis, de sorde togata.
Ocidis, & uili contumulare solo.

Ne nomen tamen intereat, quo fama supersit,
Accepe quæ cineri sunt monumenta tuo.
Par Phœbo, par Phœbigenæ, atq; Machaone maior
Et melior, tegitur hac Solimæus humo.

PONTANVS uxorem Ariadnam
in somnis alloquitur.

Nocte quidem coniux tecum uagor, & tua mecum
vmbra uenit. sic nox luxq; diesq; mihi est.
Luce autem sine te tenebris obuersor, & ipse
Me sine sum. sic lux nox tenebræq; mihi est.
O' ualeant luces. lateat sol. sic mihi coniux
Viues. sic moriar uiuus & ipse tibi.

PONTANVS vxorem salutat, & Lauru
rum in hortis ab illa olim satam.

Cum Lauru tibi crescit honor. tua nomina Laurus
Seruat, nam dextra crevit & illa tua.
Officium officio pensat gratissima Laurus,
Quiq; fuit nymphæ, nunc quoq; sensus adest.
Cum lauru mihi salue iterum coniux mea. salue
Coniuge cum Laurus, fronde & honore pares.
Ite pares, nomenq; una seruate per æuum,
Et mihi frondenti serta parate coma,

IOANNIS Iouianî Pontani.

Dic age quid tumulos seruas dea? Nostra tuemur
Iura, Deos cinerum num quoq; cura tenet?